

Tutkimus Trafikvahinkolautakunnassa

Jos sie olet, elikkä jos joku likhiinen oon tärväintynny trafikionnettomuessa niin Trafikvahinkolautakunta saattaa tutkia sinun vakuutuspuulaakin korvausta henkilövahingolle. Asian hantteeraus Trafikvahinkolautakunnassa tehään ruottinkielelä. Tutkimus oon ilhmainen. Trafikvahinkolautakunnan vastaus oon neuvonantava vakuutuspuulakile. Trafikvahinkolautakunta tutkii kahen sorttisia asioita; pakolisia asioita ja rianratkasuasioita. Tämä informasuuniplaavi oon pakolisista asioista.

Pakolisia asioita

Vississä taphauksissa sinun vakuutuspuulaaki pittää lähättää sisäle sinun asian Trafikvahinkolautakunthaan tutkimuksille. Tämä jällaa esimerkiksi jos lääketietheellinen invalititeetti oon vähhiinhääns 10 prosenttia. Tutkimuksen pittää tehdä riippumatta jos sie ja sinun vakuutuspuulaki oletta sammaa mieltä elikkä ei.

Jos Trafikivakuutusförenkinki (TFF) oon hantteeranu sinun asiata niin TFF pittää kansa vississä taphauksissa lähättää sisäle sinun asian tutkimukselle Trafikvahinkolautakunthaan.

Ko sinun asia oon pakolinen niin sie et saata lokata sisäle ja seurata sinun asiata tikitaalisti.

Sinun vakuutuspuulaaki tutkii sinun asiata ja yhistää lautakuntapromemuurian. Se sisältää vakuutuspuulaakin korvausehotuksen, mitä sie tykkäät ehotuksesta (sinun mielipie) ja asiakirjat jotka oon merkityksestä tutkimukselle Trafikvahinkolautakunnassa. Vakuutuspuulaaki lähättää lautakuntapromemuurian sulle ennen ko asia lähätethään meile.

Saatankos mie itte hakea ette minun asia tutkithaan Trafikvahinkolautakunnassa?

Jos sinun asia oon pakolinen sie et saata itte sitä hakea Trafikvahinkolautakunthaan.

Kunkas tutkimusta tehään?

1. Sinun vakuutuspuulaaki lähättää sinun asian Trafikvahinkolautakunthaan.
2. Sinun asia rekistrearathan ja tutkithaan kokkouksessa. Sen jälkhiin kirjetethaan vastaus jossako tullee esile mikä Trafikvahinkolautakunnan tulos oon.
3. Tutkimuksen jälkhiin Trafikvahinkolautakunnan vastaus lähätethään sinun vakuutuspuulakille.
4. Sinun vakuutuspuulaaki lähättää vastauksen sulle.

Kunkas pitkhään tutkimus ottaa Trafikvahinkolautakunnassa?

Hantteerausaika oon useasti kolme-kuus kuukautta. Vississä taphauksissa käsittelyaikaa saatethaan pitentää.

Milläs kielelä asiakirjat pitävät olla?

Tutkimus Trafikvahinkolautakunnassa tehään ruottinkielelä.

Mikäs jyritykselle asiahenkilölle jällaa?

Sulla saattaa olla asiahenkilö joka auttaa sinua tutkimuksen aikana Trafikivahinkolautakunnassa, mutta se ei ole mikhään vaatimus. Jos sie halvaat asiahenkilön se oon vakuutuspuulaki joka päättää jos trafikivakuutus maksaa asiahenkilön kustanuksia. Muuten sie saat itte maksaa.

Saatankos mie olla matkassa Trafikivahinkolautakunnan kokkousessa?

Sie elikkä sinun asiahenkilö että saata olla matkassa ko sinun asiata tutkithaan. Tutkimus tehään vain kirjetuitten asiakirjoitten mukhaan.

Häätyykos minun vakuutuspuulaki seurata Trafikivahinkolautakunnan vastausta?

Trafikivahinkolautalunta jättää kirjetun vastauksen joka oon neuvonantava. Ette vastaus oon neuvonantava tarkoittaa ette vakuutuspuulaaki ei tartte seurata vastausta. Se ei ole tavalista ette vakuutuspuulaaki ei seuraa vastausta.

Saatankos mie valittaa Trafikivahinkolautakunnan vastausta?

Trafikivahinkolautakunnan vastausta ei mene valittaa. Jos sie et ole tyytyväinen vastauksen kansa elikkä jos vakuutuspuulaaki ei muuta heän päätöstä vastauksen mukhaan sulla oon maholisuus nostaa asiata ylheisessä tuomioistuimessa. Se oon vakuutuspuulakin päätös eikä lautakunnan vastaus joka semmosissa taphauksissa tutkithaan tuomioistuimessa. Preskripsuunin sääntöjä saatethaan silloin tulla käyttämhään. Sie piät ottaa yhteyttä vakuutuspuulaakin kansa ette saaja tarkempaa informasuunia mikä semmosessa taphauksessa jällaa.

Lissää informasuunia sie läyät osotheela: www.trafikskadenamnden.se